

19 Africans, matagumpay na nagtapos ng pagsasanay sa PhilRice

Labing siyam na *trainees* mula sa Sub-saharan Africa ang nagtapos ng dalawang buwang pagsasanay sa pagbibinhi ng palay at *extension methods* sa PhilRice. Ito ay upang paigtingin ang pagpapalay sa Africa na masisiguro ang sapat na pagkain at kabuhayan sa mga bansa sa rehiyong ito.

Layunin ng *training course* na mapabuti ang kaalaman at kakayahan ng mga kalahok sa produksyon ng dekalidad na binhi gamit ang PalayCheck, isang gabay sa pagpapalayan o sistema ng pamamahala ng palay na na-debelop ng PhilRice.

Ang mga Aprikanong kalahok ay sinanay rin sa iba't ibang *extension methods* na maaaring magamit sa pag-*promote* at paggamit ng dekalidad na binhi ng palay sa mga magsasaka.

Kabilang sa mga kalahok ay ang mga *researchers, agricultural officers, extension workers*, at *seed inspectors*. Sila ay nagmula sa mga bansang Ethiopia, Ghana, Kenya, Mozambique, Sierra Leone, Tanzania, and Uganda. Samantala, sampung mga Pilipinong *agricultural extension workers* mula sa iba't ibang panig ng bansa ay sumali rin sa nasabing *training course*.

Sa panayam kay Patience Maaldu mula sa Ghana, nagpapasalamat sila sa mga eksperto na nagturo sa kanila ng mga praktikal na paraan ng produksyon ng dekalidad na binhi, *agro-ecosystem analysis, postharvest management practices* at iba pa. Lahat umano ng kanilang natutunan ay isasakatuparan nila pagbalik sa kani-kanilang bansa.

Ayon kay Lea Abaoag, head ng *technology management and services division* ng PhilRice, nalulugod sila na ibahagi ang kanilang kaalaman sa mga kalahok upang makatulong sa pag-unlad ng sektor ng pagpapalay ng kani-kanilang bansa.



PHILIPPINE RICE RESEARCH INSTITUTE

- 31 Ang *training course* ay ikalawang bahagi ng proyektong *Extension capacity development*
32 *for rice food security in Africa* na nabuo mula sa ugnayan ng *International Rice Research*
33 *Institute* o IRRI at ng *Japan International Cooperation Agency* o JICA.
34
35 Ang proyekto ay pinondohan ng JICA at pinamahalaan ng IRRI sa pakikipag-tulungan
36 sa PhilRice at ng *Global Rice Science Partnership*.
37
38 Tumawag o magtext na sa PhilRice Text Center bilang 0920-911-1398. Uulitin
39 ko po 0920-911-1398.